



國家清史編纂委員會・文獻叢刊

八編

清代稿鈔本

第三八九冊

國家清史編纂委員會·文獻叢刊

八編

清代稿鈔本

第三八九冊

廣東省立中山圖書館
中山大學圖書館

編

主編 桑兵
副主編 李昭醇
程煥文 劉洪輝

SPM

南方出版傳媒
廣東人民出版社

·廣州·

第三八九冊目錄

鳳山文鈔		一
鳳山詩鈔別集		三七
鳳山文鈔別集		七一
應試排律選		四四一
愚園古賦		五三九

鳳山文鈔

三卷

佚名輯

鈔本

廣東省立中山圖書館藏

鳳山文鈔

明

翁萬達傳見詩鈔

贈郡守陳君入覲序 文集載

太守之於民近而責重至易知也其在治朝人主不易視此官
輒嘗問姓名察所治狀賜車蓋黃金降璽書褒譽或召入為公
卿為御史中丞至顯榮矣顧豈非賢者任耶太守誠果賢樂有
其民而因以為政誠又如古者得專制事事攷鏡屬邑吏亦咸



知太守意相與以子民為功是興理之道而太平之基也乃今
視昔何如哉藩臬長貳若臺臣監者雜然以簿領相煩文法相
稽牽泥日甚關白少疎則大訾而小譏什九齟齬益其勢易撓
而其過易求也設復有恣睢可駭如近所聽聞雖屏不敢信然
何嘗有毫髮利愛斯人之心賢者不敢資漁獵徇風指彼能不
潛忿瑣摘昧其腹心矧於屬邑吏何恤哉時事驚人非特太平
之事輕也然人亦有言變觀時定觀理賢哉顧獨可以理定而
或幸所治之郡僻遠在一隅賢監者行部不數至以擾我之隙

猶可得與若屬修百姓之急宣上恩德孜孜舉其職豈其難哉
潮固粵之截壤陳君又博太仁人也懷千里之印而不以潮人
為陋和保而煥休之厭棄機術屏絕游談無事於操切摘抉探
迎跂附之為定於性則然其勉數諸屬吏用情附實抑揚皆德
風也以故屬吏亦樂於無擾咸相戒言無忍負長者長者今且
以述職行矣天子異日儻親問太守治民事勤勞何以為對將
陳說閭閻疾苦時事得失太守得為不得為莫有所感動即不車
蓋黃金匱書之賜而名重當時致位卿丞可日月待也太守可

他官視者哉余辱陳君知最深不宜無一言以贈會揭陽鄭君
暨其僚友以文見屬遂發其所欲云如此

漢陂續集序

漢陂續集者集漢陂先生垂老之作也先生有集傳且久矣日
就月將老而彌篤門人集其近作稱續焉於戲去而不返者時
也無所息肩者學也日慎一日振于力而莫之休者志也其先
生之謂乎序曰說者謂文能窮人而又曰人窮則文工謂老期
倦勤而又曰老迺詩律細也是二者將何所取衷哉墳典之文

至文也其人率皆在位游夏之窮不加于顏原而顧以文學稱
郊島寒瘦薄根于所賦雖不苦吟遐思要之不能通顯故以窮
咎文者誣文者也司馬子長遍歷名山異境而其文益奇柳柳
州不推踣困鬱亦不能辭理極到則窮而工者則又一說也有
初靡終進銳退速此志不帥氣之事衛武公克自抑畏九十自
警今觀賓筵諸作詩所謂有德之言也唐詩人杜子美夔州以
後之作讀者更為刮目矣則老而細者亦一說也淡陂先生遭
際敬皇帝賜第大廷不可謂不遇而立朝在郡為日可數至其

蘊而大者舉天下莫之試也窮與不窮當有定論今初集與續
集具在其毫細與否亦夫人可按而知也要之正大以敦體悲
壯以措辭冲澹以入格簡嚴以復古謂耄者能之乎而亦不無
所助也夫國朝有作莫盛于敬皇帝時則李何首唱徐鄭繼踪
邊殷王薛翩翩羽翼今教雄已沒先生獨振逸響碩果不食時
有所出為世大觀不亦大幸也哉予讀是集更有慨焉先生盛
德既高踐履純篤諸所酬應罔不協道若集中嘆禹夫之貨殖
善鶴夫之主農惜瀛也之宦成戒羨也之土木施于有政者槩

可見矣外則論學論師諸書北晨孤兒諸吟隕霜警火諸賦蓋
拳拳于希聖學古移風易俗之意也則所謂大而未試者其所
可慨不既多耶予不學得先生是集敬為梓之使天下知今日
有先生亦以知先生有今日也而先生書寄來則曰是不宜無
序者故叙說其端如此若曰究其學以窺立言之本論其世以
極取善之公則非所敢也

○稽愆集序

君子行不詭道故慎言脩辭即日用刺札亦可以觀也予自丙

戊筮仕以來諸刺札多逸毀癸卯春入蜀舟覆漂而復存者僅
耳甲辰迄今凡有所啟答必畀之僮輩所以其百一
百一存焉者編次為是集疑于陳迹唾去之物也乃不厭瑣屑
掇誠以泝言觀行曩昔之愆違可知矣致知存悔震無咎以復
吾無妄固學者之事也集凡若干卷嗣得其所遺補入新者續
入而藏之私篋云

○進宣大山西偏保等處邊關圖說

臣萬達謹按右所圖形勢起宣府東路之四海沿迤邐而西歷
北中二路抵西路之西陽河為大同界大同東路之東陽河迤

遷而西歷北中二路抵西路之了角山為山西界山西之老營
堡迤邐而西歷水泉偏關抵保德州為黃河岸界而止計一千
九百二十里有奇皆迫臨虜巢所謂外險也又老營堡轉南迤
邐而東歷寧武雁門北樓抵平刑關又迤邐而南而東為保定
界歷龍泉倒馬紫荆之吳王口挿箭嶺浮圖峪沿海口又東北
為順天界歷高岸白羊抵居庸而止計二千五十里有奇皆峻
嶺層岡所謂內險也兩險截然固天之所以限華夷者然自正
統以來胡虜窺兵屢恣干擾邇且結陣長驅遠薄汾沁全晉為

皆邊議日興豈其險固不足恃耶潰廢大防由來者漸有險不
設同於無險故設險云因地形而經紀之以人力者也內倚諸
關間設崇垣外築崇垣長遮絕漠綿堞百萬諸美攸轆比之金
湯我皇上今茲所宏創者皆前茲所未有者也邊臣自是始可
以言守矣是故善守者不戰而屈人之兵者也遇秋分遣內卒
協戍外邊備寡力全彼此受益豈特變通是為善經迺若禦冬
防河成規具在又差緩矣臣慮險設而不守與雖守無其便也
先臣今小疏刺列款目期於可久蓋亦頗詳俟之將來脫有不虞

當在意外夫天下之事多成於其始而廢於其終邊工動費帑金役勞大衆其成之亦云難矣臣愚欲責宣大山西撫鎮諸臣以交代法巡按御史以閱視進圖法則茲垣也庶乎其有永矣雖然重關疊障險在地者也謀臣猛士險在人者也慄慄危懼毋流循玩險在心者也攄探本之思延却顧之策此臣所侈望於億萬年者未已也

○進宣大山西外邊牆長圖說

臣萬達謹按右所圖外邊牆詳矣而略於內諸關者以外邊持

重又墻肇完而諸關不與也三鎮邊垣土亘連一道其居然而內
布者城堡也雜然而外環者塹與窖也亭然者墩而穴通者臺
與隧也增舊為新缺一不可必如此而後可守者戎軍視虜聚
散衆寡疲逸勇怯疾遲之勢不相當也虜人多食少工格鬪喜
抄掠復以為生之道在是也大戰則大利小戰則小利不戰則
不利較得算者戰什一而虜什九也是故我必以守為勝而匪
墻焉瓊幕鄰邇揮鞭山凌結陣川擁朝發夕至倏如雷風前無
抵拒後難追襲豈不戰守失據哉今墻完而戍者偵者田而食